

կանայ վիճմանց և հակառակութեանց՝ հրաման ետ Դատաւորն երկց ազգաց ՚ի միասին շինել, և բաժանորդութեամբ վճարել զծախսն, և մնալ դարձեալ ըստ առաջին սովորութեան. թէպէտ Հայք ընդդիմացան բազմօք սյսմ դատաստանի, զի կորուսին զառաջին իրաւունս իւրեանց, այլ անմարթ էր յայնժամ շրջել զմիտս Դատաւորին: Եւ զկնի շինութեան գմբեթին տուաւ երկց ազգաց Հայոց, Յունաց Լատինաց մի մի բանալի, և Դատաւորն գրեաց զիր հաստատութեան և բարձաւ վէճն 1700:

Այլ վասն նորոգութեան և շինութեան բաժնին Հայոց ՚ի Տաճարին Ս. Յարութեան նեղեալ էին Հայք ՚ի Յունաց, որպէս գրեցաք, զի զհրաման շինութեան ինքեան վերապահեալ էր Արքայ, և յառաջին նուագի Յունաց ետ զայն, որք ոչ շինեցին զտեղիս Հայոց, մանաւանդ թէ խանդարեցին և գողացան, և ՚ի սմին ժամանակի խնդրեցին Հայք զայն հրաման շնորհել ինքեանց, որոյ վասն տուաւ հրովարտակ 1729 թուին, զի զբաժանորդ տեղիս շինեսցեն ընկերութեամբ և զսեփական տեղիս անկախութեամբ:

Եւ վասն փակեալ դրան Բեթղեհէմի Դատաւորք Երուսաղէմի ՚ի սաղբերլոյ Լատինաց պէսպէս մեկնութիւնս տային առաջին հրովարտակին իբր անգօր, և երբեմն սպառնային բանալ զդուռն, որով լինէր վնաս մեծ Հայոց, և ՚ի ծանուցանել զայսոսիկ Արքայի, տուաւ վերստին հրովարտակ 1701 թուին ՚ի հաստատութիւն առաջնոյն, զի մի բացցի դուռն այն. և վասն շինութեան Համբարձման տեղւոյն ըստ մտաց հին վաւերական գրոց եւ իլամի Դատաւորին Երուսաղէմի դարձեալ տուաւ հրովարտակ 1701 թուին. և ՚ի հակառակիլ Լատինաց և Յունաց, դարձեալ առին Հայք հրովարտակ 1702 թուին ՚ի հաստատութիւն առաջնոյն: Զայսոսիկ հրովարտակս առեալ Յովհաննու վարդապետի սատարութեամբ Ստեփաննոս Պատրիարքի և գըլխաւորաց ազգին առաքեաց յերուսաղէմ:

Եղիա Եպիսկոպոս Եւզոկիացի մեկնեցաւ յԱթոռոյն, առեալ ընդ իւր Եւզոկիացի Յակոբ և Յովհաննէս և Կիսարացի Կսրապետ վարդապետս, որք էին աշակերտք իւր, և և ՚ի նաւելն ՚ի Կոստանդինուպոլիս՝ վախճանեցաւ ՚ի ճանապարհի, և աշակերտք նորին թաղեցին զնա ՚ի կղզին